



**ZAPISNIK O RADU SEDME SJEDNICE  
KOLEGIJA GRADSKOG VIJEĆA GRADA SARAJEVA  
ODRŽANE 26.07.2021. GODINE**

Broj: 01-GV-02-861/21  
Sarajevo, 26.07.2021. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Vedad Deljković, predsjedavajući Kluba gradskih vijećnika Stranke demokratske akcije
4. Seid Škaljić predsjedavajući Kluba gradskih vijećnika „Narodni evropski savez (NES) - Željko Majstorović“
5. Adi Škaljić, predsjedavajući Kluba gradskih vijećnika Naše stranke
6. Muamer Mekić, predsjedavajući Kluba gradskih vijećnika Socijaldemokratske partije BiH
7. Vedran Dodik, predsjedavajući Kluba gradskih vijećnika „SMS-Savez za Stari Grad-Srđan Srdić“
8. Enisa Spahić, predsjedavajuća Kluba gradskih vijećnika „Demokratska fronta-Enisa Spahić“
9. Toni Vukadin, predsjedavajući Kluba gradskih vijećnika Narod i Pravda
10. Bajro Biber, predsjedavajući Kluba gradskih vijećnika „USD-BOSS“
11. Mila Eminović-Rizvanović, sekretar Gradskog vijeća

Odsutan: Dragan Stevanović, zamjenik predsjedavajućeg Gradskog vijeća

Sjednici je prisustvovala:

- Benjamina Karić, gradonačelnica Grada Sarajeva
- Aida Bajramović, šef Odjeljenja za protokol u Stručnoj službi Gradonačelnice

Jasmin Ademović, predsjedavajući Gradskog vijeća, je otvorio sjednicu i pozdravio prisutne, te konstatovao kvorum za punovažan rad i odlučivanje.

Na prijedlog Jasmin Ademovića, predsjedavajućeg Gradskog vijeća, Kolegij Gradskog vijeća, bez rasprave, jednoglasno je **usvojio** Zapisnik o radu Šeste sjednice Kolegija Gradskog vijeća, održane 08.07.2021. godine.

U uvodnom izlaganju predsjedavajući Ademović je podjetio članove Kolegija da je na prethodnoj sjednici Kolegija Gradskog vijeća konstatovano da će se do kraja mjeseca jula održati još jedna sjednica Kolegija Gradskog vijeća na kojoj će se razmatrati aktivnosti za pripremu i organizaciju Svečane sjednice Gradskog vijeća Grada Sarajeva. Isto tako je predložio da se, obzirom da u mjesecu augustu nema redovne sjednice Gradskog vijeća, time ni Kolegija, današnji Dnevni red ove sjednice Kolegija dopuni još jednom tačkom i to:

- **Priprema za održavanje Šeste sjednice Gradskog vijeća** - koja će se održati u septembru, a kako bi predlagač mogao blagovremeno da pripremi i dostavi materijale i kako bi se postigla bolja efikasnost u radu.



Na prijedlog Jasmina Ademovića, predsjedavajućeg Gradskog vijeća, **jednoglasno je usvojen prijedlog za ovakvu dopunu Dnevnog reda, kao i Dnevni red sedme sjednice Kolegija Gradskog vijeća kako slijedi:**

1. Razmatranje aktivnosti za pripremu i organizaciju Svečane sjednice Gradskog vijeća Grada Sarajeva
2. Priprema za održavanje Šeste sjednice Gradskog vijeća
3. Tekuća pitanja

**Ad1)**

### **Razmatranje aktivnosti za pripremu i organizaciju Svečane sjednice Gradskog vijeća Grada Sarajeva**

U uvodnom izlaganju predsjedavajući Jasmin Ademović je podjetio članove da Svečana sjednica Gradskog vijeća u povodu Dana Grada Sarajeva – 6. aprila nije održana 2021. godine radi pandemije COVID 19 i propisanih epidemioloških mjera koje su bile na snazi. Naglasio je i da su se, budući da su mjere malo popustile, stekli uslovi za održavanje Svečane sjednice na kojoj će se dobitnicima uručiti nagrade i priznanja Grada Sarajeva. Obzirom da je prema dinamici, Šesta sjednica Gradskog vijeća planirana za 29.09.2021. godine, idelano bi bilo odražati Svečanu sjednicu nakon Šeste sjednice Gradskog vijeća, i to u prvoj polovini oktobra. Predložio je da bi mogući termini mogli biti 07.10. ili 14.10.2021. godine. U pogledu lokacije – Objekat Vijećnica, svečani salon ili aula, ovisno o broju zvanica i eventualnim epidemiološkim mjerama. Organizaciju sjednice, protokol i nabavke će da provode nadležne službe sa za to predviđenih budžetskih pozicija. Na kraju je istakao da ono što je potrebno je da se nabavi za sve vijećnike Gradskog vijeća ordeni Grada Sarajeva koje nose na svečanostima, i predložio je da se isti izrade i podijele vijećnicima prije Svečane sjednice, a najbolje bi bilo da to bude na samoj Šestoj sjednici Gradskog vijeća.

Benjamina Karić, gradonačelnica Grada Sarajeva je u svom obraćanju upoznala članove Kolegija da je imala ideju da dodjela nagrada bude na otvorenom, a jedna od ideja bilo je na Vracama, te podržala i prijedlog Vedada Deljkovića, predsjedavajućeg Kluba gradskih vijećnika Stranke demokratske akcije da to bude i Bijela tabija, te zamolila članove Kolegija da razmisle o ovakvim idejama.

Nakon ove diskusije, na prijedlog Jasmina Ademovića, predsjedavajućeg Gradskog vijeća, Kolegij Gradskog vijeća je **jednoglasno usvojio zaključke:**

1. **Kolegij Gradskog vijeća Grada Sarajeva utvrđuje termin održavanja Svečane sjednice Gradskog vijeća Grada Sarajeva u četvrtak 07.10.2021. godine u objektu Vijećnice - aula ili svečani salon, ili druga alternativna lokacija na otvorenom - Bijela tabija, u zavisnosti od epidemioloških mjera i uvjeta, o čemu će zajednički odlučiti Gradonačelnica i predsjedavajući Gradskog vijeća.**
2. **Organizaciju Svečane sjednice, protokol i nabavke provode nadležne službe sa za to predviđenih budžetskih pozicija.**
3. **Do septembarske redovne sjednice Gradskog vijeća će se, putem nadležnih službi Gradske uprave, obezbjediti ordeni Grada Sarajeva za sve vijećnike novog saziva Gradskog vijeća kako bi isti bili uručeni gradskim vijećnicima i funkcionerima Grada Sarajeva na Šestoj (septembarskoj) sjednici Gradskog vijeća, a koje će potom nositi na Svečanoj sjednici Gradskog vijeća.**

## Ad2)

### Priprema za održavanje Šeste sjednice Gradskog vijeća

Na prijedlog predsjedavajućeg Jasmina Ademovića, a uzimajući u obzir utvrđenu dinamiku održavanja sjednica Gradskog vijeća i materijale čije razmatranje je na prijedlog predlagača odloženo, Kolegij Gradskog vijeća je **jednoglasno usvojio zaključak**:

1. **Šesta sjednica Gradskog vijeća Grada Sarajeva održat će se u srijedu 29.09.2021. godine sa početkom u 10,00h u Vijećnici.**

Zatim je upoznao članove Kolegija Gradskog vijeća da bi, prema informacijama kojim raspolaže, prijedlog dnevnog reda Šeste sjednice Gradskog vijeća mogao glasiti:

1. Prijedlog Odluke o upotrebi grba, imena i isticanju zastave Grada Sarajeva
2. Prijedlog Odluke o usvajanju Regulacionog plana „Reljevo“ sa Odlukom o provođenju Regulacionog plana „Reljevo“
3. Informacija o poduzetim aktivnostima na sanaciji mosta „Ars Aevi“ i stvaranja pretpostavki za njegovo trajno održavanje, uključujući videonadzor
4. Informacija o stavljanju u funkciju raspoloživih sredstava za nastavak projekta izgradnje Muzeja savremene umjetnosti „Ars Aevi“
5. Informacija o detekciji zagađivača rijeke Miljacke na području grada
6. Nacrt Odluke o uslovima i načinu dodjele „Šestoaprilske nagrade Grada Sarajeva“
7. Nacrt Odluke o kriterijima i načinu sticanja statusa udruženja i fondacija od posebnog značaja za Grad Sarajevo
8. Informacija o realizaciji projekta Smart City
9. Informacija o izvršenju Budžeta Grada sarajeva za period 01.01.-31.03., 01.01.-30.06. i 01.01.-30.09.2021. godine
10. Prijedlog Odluke o davanju saglasnosti na program aktivnosti za Dan obilježavanja opsade Sarajeva 1992.-1995.
11. Prijedlog Politike Grada Sarajeva za mandatni period
12. Prijedlog Plana rada Grada Sarajeva
13. Prijedlog Odluke o usvajanju Izmjena i dopuna Budžeta Grada Sarajeva za 2021. godinu
14. Vijećnička pitanja i inicijative

## Ad3) Tekuća pitanja

- Benjamina Karić, gradonačelnica je najavila da će se na Petu sjednicu Gradskog vijeća uputiti po hitnoj proceduri prijedlog Odluke o preraspodjeli sredstava za potrebe dodjele novčane nagrade košarkašicama i Košarkaškom savezu, kao što je to učinjeno i za Lanu Pudar. Predložila je da se 50.000,00 KM uplati na račun Košarkaškog saveza, i to sa stavke obilježavanje Dana Grada 30.000,00 KM i sa stavke Dani Isa-bega Ishakovića 20.000,00 KM. Pojasnila je da sredstva sa stavke Tekuća rezerva ne bi trošila jer se u ovim uvjetima epidemije može pojaviti potreba za hitnim intervencijama. Vedad Deljković je podržao prijedlog da se košarkašice nagrade, ali je naglasio da smatra da ne bi trebalo vršiti preraspodjelu sa pozicije Dani Grada Sarajeva jer ne znamo koliko će biti potrebno sredstava a imajući u vidu i goste koji se očekuju za Svečanu sjednicu i ostale troškove, te bih predložio da se razmotri mogućnost sa stavke Doček Nove godine.

Kolegij Gradskog vijeća Grada Sarajeva je saglasan da gradonačelnica Grada Sarajeva razmotri mogućnost i izvrši preraspodjelu sredstava Budžeta Grada Sarajeva za 2021. godinu kako bi se sredstva dodjelila Košarkaškom savezu kao nagrada za ostvareni rezultat ženske reprezentacije Bosne i Hercegovine u košarci.

Na kraju je konstatovano da će se Odluka uputiti po poslovničkoj proceduri na Petu sjednicu uz uvažavanje primjedbi diskutanata.

- Na prijedlog Jasmina Ademovića, predsjedavajućeg Gradskog vijeća, Kolegij Gradskog vijeća **je jednoglasno usvojio zaključak:**
  - 1. Potrebno je da Gradonačelnica po imenovanju predsjednika i članova Upravnog i Nadzornog odbor Javne ustanove „Gradski muzeji“, o istom informiše Gradsko vijeće.**
- Toni Vukadin je pitao za realizaciju zaključka sa prošle sjednice Gradskog vijeća da se dostavi Informacija o Bistričkoj stanici.

Sekretar Gradskog vijeća Mila Eminović- Rizvanović, upoznala je vijećnika Vukadina da su zaključci pripremljeni i da će biti dostavljeni prema nadležnim na dalje postupanje.

Muamer Mekić, predsjedavajući Kluba gradskih vijećnika SDP BiH, u 14.40h je napustio rad sjednice Kolegija.

- Vijećnik Vedran Dodik je upoznao Gradonačelnicu sa problemom finansiranja Klubova vijećnika, te konkretno problemom finansiranja svog kluba. Naglasio je da je problem eskalirao i do prijave Etičkom vijeću. Gradočelnica je naglasila da nije upoznata sa navedenim jer o tome nije informisana ni pismeno ni usmeno, te da ne postoji nerješivo stanje, da će sa Službom finansija provjeriti o čemu se radi, te da ubuduće svoje upite i probleme u radu službi može komunicirati službenim putem direktno sa njom jer stoji na raspolaganju svima.

Jasmin Ademović, predsjedavajući Gradskog vijeća, je zaključio sjednicu Kolegija Gradskog vijeća u 14.50h.

*SEKRETAR GRADSKOG VIJEĆA*

*Mila Eminović Rizvanović, s.r.*

*PREDSJEDAVALJUĆI GRADSKOG VIJEĆA*

*Jasmin Ademović, s.r.*